

佛說佛頂尊勝陀羅尼經

唐三藏法師義淨奉 制譯

如是我聞一時薄伽梵在室羅筏城逝多林
給孤獨園與大苾芻衆千二百五十人俱苦
薩摩訶薩萬二千人俱爾時三十三天善法
堂會有一天子名曰善住與諸大天并諸天
女前後圍遶受勝尊貴歡娛遊戲種種天樂
共相娛樂受諸快樂爾時善住天子於其夜
分聞有聲言善住天子却後七日決欲命終
於此沒後生贍部洲便受七反傍生之身次

受地獄苦從地獄出希得人身生貧賤家處
於母胎即無兩目善住天子聞此聲已身毛
皆豎生大怖懼愁憂不樂惶怖無計即便速
疾往詣天帝釋所悲號啼哭頂禮天帝二足
尊已白帝釋曰唯願天尊聽我所說我與天
女共相圍遶受快樂時間有聲言善住天子
却後七日命將欲終命終之後生贍部洲便
受七反傍生之身次受地獄苦從地獄出希
得人身生貧賤家在母胎中即無兩目我聞
斯語惶怖無計云何今我得免斯苦爾時天

帝釋聞善住天子語已甚大驚愕諦想思惟此之善住受何七返惡趣之身須臾靜住注想諦觀便見善住當受七返惡趣之身所謂豬狗野干獮猴蟒蛇鳥鷺等身食諸穢惡不淨之物爾時帝釋觀見善住天子當墮七返惡趣身已極轉慈念愁憂苦惱痛貫身心諦思何計何所歸依誰能覆護得免斯苦復作是念唯有如來應正等覺大慈悲父今其善住免斯苦耶爾時帝釋作是念已於初夜分以種種華香天妙衣服以自莊嚴執持華香

往逝多林詣世尊所恭敬供養頂禮雙足遶七而已長跪合掌而白佛言善住天子聞有聲言却後七日命終而受七返傍生惡趣之身聞此語已極懷憂苦痛貫於心世尊大慈哀愍利益云何令得免斯苦耶爾時世尊聞

此語已即便微笑於其頂上放種種光遍照三千大千世界還至佛所若佛世尊說過去事光從背入若說未來事光從脣入若說地獄事光從足下入若說傍生事光從足跟入若說餓鬼事光從足指入若說人事光從膝

入若說力輪王事光從左手掌入若說轉輪王事光從右手掌入若說天事光從齊入若說聲聞事光從口入若說獨覺事光從眉間入若說阿耨多羅三藐三菩提事光從頂入是時光明還至佛所遶佛三匝從佛口入爾時世尊告帝釋曰天帝有陀羅尼名爲如來佛頂尊勝能淨一切惡趣生死苦惱又能淨除一切地獄焰摩王界傍生之苦又破一切地獄之業迴趣善道天帝此佛頂尊勝陀羅尼不可思議有大神力若復有人一經於耳

莫四十三先世所造一切惡業悉皆消滅當得清淨勝妙之身隨所生處憶持不忘從一佛土至一佛土從一天界至一天界乃至遍歷三十三天所生之處憶持不忘復次天帝若人欲終須臾憶念此陀羅尼還得增壽身口意淨亦無苦痛隨其福利悉蒙安隱亦令一切如來之所瞻視一切天神常爲侍衛人所敬重惡障消除一切菩薩同爲覆護若有男子女人須臾讀誦持此陀羅尼者當知此人所有三惡道苦破壞消滅無有遺餘諸佛淨土及諸

天宮一切菩薩甚深行願隨意遊入悉無障
礙是時帝釋一心樂聞爾時薄伽梵觀察帝
釋心之所念以大慈悲心說是陀羅尼法即
說呪曰

南謨薄伽伐帝 哇哩盧枳也 鉢喇底毗

失瑟吒引也 勃陀引也 薄伽伐帝怛蛭

他 嘉毗輸獻切左也 嘎麼三曼多 阿

婆婆引娑 嘎發囉擎揭底唵喝娜 琥婆

引娑毗成商串切 嘎阿毗詫者覩漫引 蘇

揭多跋囉跋者那 阿蜜栗多鞞師計 痾

引下喝囉痾喝囉 痾愈珊陀引喇你 輸

默也輸默也 伽伽那毗戌睇 烏瑟膩沙

毗逝也戌睇引珊索訶薩囉曷嚙濕弭珊

珠地帝 薩婆上怛他揭多 阿地瑟侘引

娜 阿地瑟心頷丁可切 没姪麗 跛折羅

迦也 僧喝旦娜戌睇 薩婆痾伐喇擎

毗戌睇 鉢喇底你跋戴也 阿愈戌睇

三麼耶阿地瑟心帝 末你末你麼末你

呾闍多步多孤徵 鉢喇戌睇 鼻窄怖吒

勃地戌睇 逝也逝也 鼻逝也鼻逝也

三末囉三末囉 薩婆勃陀 阿地瑟恥多
戌睇 跋折嚙跋折囉引 揭鞞引 跋折藍
婆跋觀麼麼阿目羯寫自稱名
我某甲 薩婆薩埵
難引者迦也毗戌睇 薩婆揭底鉢喇戌睇
薩婆怛他揭哆 三摩戌和娑阿地瑟恥
帝 勃陀勃陀停也 切 帕駛也 帕駛也 三
曼頌鉢喇戌睇 薩婆怛他揭頌 阿地瑟
侘引 娜阿地瑟恥帝莎訶此呪比多
誦者衆然於詮譯傳
字體未能盡善故更
重勘梵本一一詳定
爾時世尊說此陀羅尼已告帝釋曰此陀羅

尼印名淨除一切惡趣佛頂尊勝陀羅尼法
亦能除滅一切罪業等障能破一切穢惡道
苦天帝此陀羅尼八十八弶伽沙俱胝百千
諸佛同共宣說隨喜受持以大如來智印印
之爲破一切有情三惡趣網爲令一切地獄
傍生琰摩王界之所以有情而得解脫衆苦逼
迫墮生死海有情得解脫故亦令短命薄福
現無救護衆生樂造雜染惡業有情得饒益
故此陀羅尼於贍部洲住持力故又令邪見
不信善惡三惡趣中種種流轉生死苦惱薄

莫四

十五

福有情迷失正路如是等類無不蒙益悉令
解脫衆苦重擔佛告天帝我今宣說此陀羅
尼付囑於汝汝當授與善住天子今其受持
讀誦思惟愛敬供養憶持莫忘亦令贍部洲
中一切有情廣宣流布此陀羅尼利益無量
亦爲一切諸天子等說此大陀羅尼印付囑
於汝天帝汝當正意憶持勤加守護勿令忘
失復次天帝若復有人須臾得聞此陀羅尼
千劫已來積集重障惡業之罪應受種種生
死流轉地獄餓鬼傍生琰摩王界阿蘇羅身

藥叉鬼神布單那羯咤布單那阿波婆摩羅
蚊蟲龜狗蟒蛇等身一切諸鳥及諸猛獸一
切有情乃至蟻子之身更不重受便得轉生
諸佛世尊一生補處菩薩同會一處或得大
姓婆羅門家生或生刹帝利種及以豪貴最
勝家生天帝此人身等如上勝處生者皆由
聞此陀羅尼故隨所生處皆得清淨勝妙之
身天帝如是果報乃至菩提最勝之處皆由
讚歎此陀羅尼殊勝功德天帝此陀羅尼名
爲吉祥何以故能除一切三惡道故此佛頂

尊勝陀羅尼猶如日藏摩尼之寶淨無瑕翳
猶若虛空光焰照徹無不周遍若諸有情淨
心持此陀羅尼者亦復如是如善好金明淨
柔軟令人喜見不爲穢惡之所染著亦如蓮
華飛塵不染天帝持此陀羅尼者亦復如是
莫四十六
乘此淨業必生善趣天帝此陀羅尼隨所方
處若能如是書寫受持聽聞讚誦恭敬供養
者一切惡道皆得清淨諸地獄苦速能消滅
天帝若有男子女人書寫此陀羅尼安高幢
上或安高山或置樓臺乃至安置窣堵波中

天帝若有苾芻苾芻尼邬波索迦邬波斯迦
族姓男女於前幢等或時遙見或與相近其
影映身或復風吹陀羅尼等幢上輕塵落在
身者天帝彼諸衆生所有罪業應墮惡道地
獄餓鬼傍生琰摩王界阿蘇羅身衆惡之苦
皆悉不受亦復不爲罪垢染汙天帝此等有
情一切諸佛之所授記皆得不退轉於阿耨
多羅三藐三菩提天帝何況更以種種華鬘
塗香末香幢旛華蓋衣服瓔珞作諸妓樂種
種莊嚴於四衢道造窣堵波安置陀羅尼合

掌恭敬旋遶周行歸命禮拜天帝被人能如
是供養者名曰摩訶薩埵真是佛子持法棟
梁又是如來全身舍利窣堵波塔爾時琰摩
法王於夜初分來詣佛所以種種妙衣種種
華香塗香末香栴檀沉水恭敬供養遶佛七

莫四十七

而禮雙足已而作是言我聞如來演說大力
陀羅尼法讚持功德不可思議世尊大慈憐
愍利益罪苦衆生世尊我常隨逐守護不令
持者墮於地獄由彼隨順如來言教而護念
之爾時護世四大天王遶佛三匝在一面立

白佛言世尊唯願如來重爲我等廣說陀羅
尼法爾時世尊告四大天王曰汝等諦聽我
當爲汝演說持此陀羅尼法亦爲短命諸有
情說若欲受持當淨洗浴著新淨衣始從白
月一日乃至圓滿十五日時齋戒一心誦陀
羅尼滿其千遍令短命者命還增續永離病
苦一切業障悉能消滅一切地獄之苦一切
鳥獸乃至有命之類聞此陀羅尼聲一經於
耳盡此身已更不復受一切衆苦佛言若復
有人忽遇惡病衆苦逼迫聞此陀羅尼者即

得永離一切惡病衆苦消滅若應墮在惡道亦得解脫即得往生妙喜世界盡此身已後更不受胞胎之身所在之處蓮華化生隨其所生常得宿命憶持不忘佛言若復有人先造一切極重業已遂即命終由此惡業應墮地獄或墮傍生琰摩王界餓鬼之趣乃至墮涅槃復次若欲誦此陀羅尼法於其佛前先在捺洛迦中或生水中或作禽獸種種之身取其亡者隨身分骨淨土一把以陀羅尼呪之二十一遍散於骨上亡者生天佛言若人常能日日誦此陀羅尼滿二十一遍應消一

切世間殊勝供養捨身往生極樂世界若常誦念復增壽命受諸快樂捨此身已即得往生種種微妙諸佛刹土常與諸佛俱會一處一切如來常爲演說微妙之法一切諸佛授菩提記身光照曜一切刹土乃至獲得無上涅槃復次若欲誦此陀羅尼法於其佛前先取淨土作壇隨其大小正方而作以種種草華散於壇上燒衆名香雙膝著地或時蹲踞心常念佛作慕陀羅尼印先屈頭指以大母指壓然後當心合掌誦陀羅尼滿一百八遍

於其壇中猶如雲王雨種種華能遍供養八十
八俱胝涼伽沙數那庾多百千諸佛彼佛
世尊咸共讚言善哉善哉此爲希有真是佛
子證得無障礙智三昧及菩提心莊嚴三昧
持此陀羅尼者應如是作佛言天帝我以善
巧方便若有一切衆生應墮地獄即令解脫
一切惡道亦得清淨消滅無餘復令持者增
益壽命天帝汝今將我陀羅尼法授與善住
天子即令持誦滿七日已汝與善住俱來見
我爾時天帝釋於世尊前親受陀羅尼法奉

持憶念還於本宮授與善住天子爾時善住
天子受得此陀羅尼法已滿六日六夜依法
受持一切願滿先應受彼一切惡趣之苦即
時解脫住菩提分增益壽命無量福業應時
雲集慶悅無量高聲唱言希有如來說斯妙
美四法希有明驗甚大難量大悲世尊能爲我等
及諸有情說此神呪令我解脫惡趣之苦爾
十九時天帝釋至七日已與善住天子及諸天衆
嚴飾華鬘寶以妙香寶幢旛蓋天衣瓔珞微
妙莊嚴來詣佛所作供養已以天妙衣及諸

瓔珞奉上世尊達百千匝踊躍歡喜在一面
坐瞻仰尊容自未曾捨爾時世尊舒金色臂
便以百福莊嚴衆相具足無畏右手摩善住
天子頂而爲說法授菩提記佛告善住天子
曰此陀羅尼印名爲淨除一切惡趣佛頂尊
勝陀羅尼汝應受持爾時善住天子及天帝
釋諸來天衆一切大會聞佛說已皆大歡喜
信受奉行

佛說佛頂尊勝陀羅尼經

音釋

謬戾交部計切非也矜居陵切憐也愕五各切驚遽也
顛魚豈切躰莫朗切蛇大蛇也唵伽梵語也
切蟲凡切也也嚮在奚切來河名也此天堂唵其陵